



Diuzroen Dauqranz

归乡之路

Mwh gou lij deng umj gyang rungh, binaengz guekgingq caeuq ndwencieng dauq ranz daxbuz daxgoeng Huznanz, daxboh daxmeh cungj umj gou bae naengh hojceh. Seizhaenx hojceh raezrangrang, bangj geu buh saekheu, daxboh daxmeh heuh de dwg hojceh naengheu.

Daxmeh cungj naeuz, hojceh naengheu hai ndaej menh raixcaix, diemj cung ngamq hai ndaej 70 lai goengleix, gyang roen lij dingz haujlai aen camh, aeu naengh 13 diemj cung baedauq cijndaej daengz Huznanz. Seizhaenx, vihaenx hojceh cungj naengh miz vunz, dieg gvaq roen lij ndwn miz haujlai vunz dauqranz dem, bae diengzhaex yaek baiz doih

raezrangrang. Mizseiz hojceh lijcaengz miz gunghdiuz, gwnz ci gaiqgwn gai hix noix, naengh baez ci ndeu, caezgya gwnznaj lwenqlwdlwd, ndang niunwdnwd, daengx ndang mbouj cwxcaih.

Daj bi 2014 byonghbilaeng hainduj, aen hojceh dou moix baez naengh dauq ranzlaux Huznanz bienq ndaej mbouj doengz lo. Hojceh saekheu bienqbaenz hojceh saekheu, lumj naed “bikmax”, gyauej ci caeuq ndang ci yaenq miz “huzswnhhauh” sam cih saw hung, diemj cung ceiq vaiq hai ndaej 200 goengleix, dauq daengz ranz daxgoeng daxbuz ngamq aeu 5 diemj cung. “Huzswnhhauh” seuq cengh, rumz gunghdiuz ci okdaeuj miz di hom, miz haujlai saejdaeuz gai, daegbied dwg makit caeuq gagaeq gou ceiq gyauez gwn haenx. Lijmiz “fukhwng” hauh” hojceh, de hai ndaej engq vaiq, engq onj, daek boi raemx cuengq gwnz vihaenx

hix mbouj biu saek di. Daj cuengei yawj coh baihrog, gingjsaek song henz roen hix yied daeuj yied gyaunde, laeuzsang hawsingz aen dem aen sangngaungau, bya bienq ndaej engq heu, raemx bienq ndaej engq saw.

Daxmeh naeuz, diuzroen dauqranz lij dwg raezrangrang, hoeng seizgan naengh hojceh yied daeuj yied dinj, neix dwg naeuz guekgya bienq ndaej yied daeuj yied hung’ ak, ndwenngoenz raeuz hix bienq ndaej yied daeuj yied gyaunde. Gou caijsaq ndei ndaej youq aen guekgya hungmbwk neix gvaq ndwenngoenz, gou aeu insik gij ndwenngoenz vuenyungz seizneix, hag rox gyo’mbaiq, hag rox haengguh baenaj, cengguh boux lwgnyez ndei seizdaih moq.

(Nanzningz Si Fungsiengz Lu Siujyoz Gingjveih Yaugih Cinz Yigoj)

Daxboh Nyaenma Ak Lai

了不起的狐狸爸爸

bouxraiz Lozwjdwz Dazwj bouxhoiz Cwz Fanghdingz
罗尔德·达尔 著 翟芳婷 译

(ciep geizgonq)

“Daxbaenh itdingh dwg duz nounaz ndeu.” De gag gangj gag naeuz, “roxnaeuz dwg duz doxgaiq iq wnq.”

De youh nod ok rog daeuj di ndeu……Youh nod di ndeu, de couh yaek daj ndaw cong huenz okdaeuj lo. De dauq sijsaeq yawjyawj seiqhenz de baez moq: Ndaw ndoengfaex ndaemnyam yawj mbouj cingcu, caemdinghdikdik. Ronghndwen mbouj rox youq gizlawz rongh dwk.

Sawqmwh, song aen da nyaenma sienseng youq gyanghaemh daegbied ronghcingx haenx, louzsim yawj couh youq raelaeng go faex liz de mbouj gyaue ndeu, miz gij doxgaiq ronghmyabmyab ndeu. Haenx dwg gvaengh raiz rongh iq saek ngaenz ronghndwen rongh hauej gwnz moux cungj doxgaiq baihrog moh ndongq ingj okdaeuj ndeu. Nyaenma sienseng bamq youq gwnz dieg mbouj doengh saek di, da mbouj yaep yawj dwk. Dauqdae dwg gijmaz doxgaiq ni? Yawj, de doengh lo! De cingqcaih baez di baez di swng doxhwnj……Dai lo, dwg diuz guenjcongq ndeu! Nyaenma sienseng doeksat dwk diuq hwnj, baenq gyauej couh bongh ndonj hauej ndaw cong bae. Couh youq seiz yaepda neix, daengx ndoeng faex lumj youq seiqhenz de dek ok nei, bumh! Bumhbumh! Bumhbumhbumh!

Gij hoenzfeiz daj ndaw sam diuz guenjcongq biu okdaeuj haenx baenqngungeu mbin hwnj gwnzmbwn ndaemnyam bae. Boz Gizsw, Banghswh, Bijwnh daj raelaeng gofaex

gyoengqde ndonj ndang okdaeuj, byaij coh bakcong.

“Nyingz deng yaq caengz?” Bijwnh cam.

Gyoengqde miz boux ndeu yungh soujden rongh bakcong dwk. Gwnzdeih, youq ndaw gvaengh rongh soujden, dan raen diuzrieng nyaenma baij lwed, vaihvad yakyawj, byongh ndeu youq ndaw cong byongh ndeu youq rog cong ndeu! Bijwnh gip hwnjdaeuj gangj coenz vah ndeu: “Raeuz nyingz deng diuzrieng, dauqfanj hawj nyaenma ni lo.” Gangj liux, couh vut bae lo.

“Raeu fangz!” Bozgizsw naeuz, “raeuz hai cungq laeng lai lo. De baez iet gyauej okdaeuj, raeuz couh wnggai hai cungq.”

“Baezneix de haengdingh mbouj yungzheih iet gyauej okdaeuj moq lo.” Banghswh naeuz.

Bijwnh daj ndaw daeh mbon ok bingz laeuj iq ndeu, ndoet gaemz hung ndeu, cij hai bak naeuz: “Aeu hawj de iet okdaeuj moq, ceiqnoix aeu sam ngoenz seizgan. Gou mbouj siengj naengh youq gizneix caj ndwi, raeuz vat aeu.”



“Ha,” Bozgizsw naeuz, “mwngz neix cij gangj ndaej deng. Raeuz mbouj yungh geij aen cungdaeuz couh vat de okdaeuj ndaej. Raeuz rox de youq ndawde.”

“Gou guj daengx ranz de cungj youq ndawde.” Banghswh naeuz.

“Baenzneix raeuz couh daengx rongz beuj.” Bijwnh naeuz, “bae aeu fagso!”

Haenh Bonjfaenh

我为自己点赞



Raeuz ciengzseiz haenh bouxwnq, dauqfanj haenh bonjfaenh gig noix. Moengqgonq, gou youq ndawsim gag haenh bonjfaenh, aenvih gou guh le gienh saeh genjdanh cix mbouj bingzciengz ndeu.

Ndaw gyajseizndat banhaet ngoenz ndeu, gou youq ranz raiz cozyez sat le, mbwq lai couh loengh doxgaiq guhcaemz. Mwh neix, daxbuz youq bakcauq guh hong haenx hemq naeuz: “Lan ha, mwngz bae bang daxbuz cawx bingz meiq ba.” Dingq le vah daxbuz, gou sikhaek aeu cienz couh roengz laeuz lo.

Byaij youq gwnz roen, ngiengx gyauej yawjraen mbwn lamzswdswd, dingq sing roeg heuh “cicicaca”, gou simcingz soengsad.

Yaep ndeu, gou couh daengz aen bouq gai doxgaiq bakdou siujgih lo. Hauej bouq gai doxgaiq bae, yawjraen saejdaeuz baiz dem baiz, gou yawj dwk myaiz rihnanngang. Gou youq baihnaj gyaq baij saejdaeuz baenq bae baenq dauq, naemj cawx di saejdaeuz bonjfaenh gyauez gwn haenx dangqmaz. Hoeng cawx le

saejdaeuz, couh mbouj miz cienz cawx meiq lo, baenzlawz guh ne? Nanzdauh couh mbouj miz banhfap song loh cungj guh ndaej lwi?

Naemj dwk naemj dwk, ndawsim gou lumjbaenz miz song boux vunz iq doxdub, boux ndeu naeuz: “Cawx saejdaeuz ba, dauqranz couh caeuq daxbuz naeuz meiq cungj gai liux lo.” Lingh boux naeuz: “Mbouj ndaej, gaenq dapwngq daxbuz aeu cawx meiq, guh vunz aeu gangj daengz guh daengz, mbouj ndaej gangjyaueh.” Gou lawq yaep ndeu, lijdwg gietdingh cawx bingz meiq ndeu baema.

Dauq daengz ranz le, daxbuz raen bingz meiq gou cawx dauqma haenx riunymnyum, haenh naeuz: “Lan ranz raeuz caen mbouj loek, bang daxbuz guh saeh ndaej lo.” Dingq le vah daxbuz, gou angq dangqmaz, gou lij youq ndawsim daengj lwgfwngzmeh haenh bonjfaenh.

Gienh saeh neix hawj gou rox: Guh vunz itdingh gangj daengz guh daengz, mbouj ndaej vih leih’ik bonjfaenh cix gangjyaueh.

(Vuz Yihangz)